

BOSNA I HERCEGOVINA  
Federacija Bosne i Hercegovine  
Tuzlanski kanton  
**GRAD GRAČANICA**  
**GRADSKO VIJEĆE**

Broj: \_\_\_\_\_

Gračanica, \_\_\_\_\_ 2024.god.

Na osnovu člana 3. i 4. Zakona o komunalnim djelatnostima-prečišćen tekst („Službene novine TK“, broj: 5/21 ), člana 3. Odluke o mezarjima-grobljima i pogrebnoj djelatnosti na području grada Gračanica ("Službeni glasnik Grada Gračanica", broj: 05/22) i člana 16. Statuta Grada Gračanica ("Službeni glasnik Grada Gračanica", broj: 01/23), Gradsko vijeće na sjednici održanoj dana \_\_\_\_\_ 2024.godine d o n o s i :

## **O D L U K U**

### **o lokaciji za izgradnju gradskog mezarja-groblja**

#### **Član 1.**

Ovom odlukom bliže se utvrđuje lokacija za izgradnju gradskog mezarja-groblja, uslovi izgradnje, uređenja i zaštite prostora.

#### **Član 2.**

Pod gradskim mezarjem-grobljem u smislu ove odluke smatra se ograđeni prostor zemljišta na kojem se nalaze grobna mjesta, prateće građevine i komunalna infrastruktura.

#### **Član 3.**

Gradsko mezarje-groblje gradit će se u Gračanici na zemljištu označenom kao k.č. broj: 3273/1, 3273/4, 3273/5, 3273/6, 3273/7, 3273/8, 3273/9, 3273/10, 3273/11, 3273/12, 3273/13, 3273/14, 3273/15, 3273/16, 3273/17, 3273/18, 3273/19, 3273/20, 3273/21, 3273/22, 3273/23, 3273/24, 3273/25 i 3273/26 KO Gračanica. Približna površina obuhvata je 1,17 ha, a kako je označeno na Grafičkom prilogu 1.

Sve parcele navedene u prethodnom stavu nalaze se u okviru utvrđenog urbanog područja - građevinskog zemljišta naselja Gračanica - Pribava i u vlasništvu su Grada Gračanica.

#### **Član 4.**

Za realizaciju gradskog mezarja-groblja prije gradnje potrebno je ispuniti sljedeće predušlove:

- a) izvršiti sva potrebna inženjerskogeološka i geomehanička ispitivanja terena i uraditi odgovarajući elaborat u kojem treba definisati konkretne uslove i način izvođenja radova,
- b) Izraditi idejni projekat mezarja-groblja,
- c) Izraditi i revidovati glavni projekat i od nadležnih institucija pribaviti sve zakonski potrebne saglasnosti,
- d) Riješiti imovinsko pravne odnose
- e) Izgradnju objekata i uređenje prostora vršiti nakon izdavanja urbanističke saglasnosti i odobrenja za građenje.

### **Član 5.**

Na gradskom mezarju-groblju se mogu graditi samo objekti koji su definisani u Odluci o mezarjima-grobljima i pogrebnoj djelatnosti na području grada Gračanica, a na lokaciji koja je predložena u Grafičkom prilogu 2.

### **Član 6.**

Izradom Glavnog projekta odrediti faze izgradnje gradskog mezarja-groblja. Odrediti položaj i veličinu grobnih polja za sve konfesije prema procentualnoj zastupljenosti.

### **Član 7.**

Glavnim projektom za radove na uređenju terena detaljno razriješiti:

- pristupni put do gradskog mezarja-groblja koji treba biti širine potrebne za dvosmjernan saobraćaj,
- ograđivanje kompleksa,
- prilaze svim objektima i parkiralištima,
- saobraćaj u mirovanju, odnosno odrediti u potrebnom broju parking prostore za putničke automobile,
- protivpožarne puteve,
- pješačke prilaze do objekata i svih grobnih polja kompleksa
- hortikulturno uređenje kompleksa

### **Član 8.**

Glavnim projektom razriješiti i :

- snabdijevanje tretiranog lokaliteta sanitarnom i protivpožarnom vodom,
- kanalizacioni sistem koji je nužno projektovati i izgraditi kao separatan sa zasebnim prikupljanjem, transportom, tretmanom i ispuštanjem fekalnih, procjednih i oborinskih voda,
- elektroenergetske instalacije i telekomunikacione instalacije koje se trebaju izvoditi kao podzemne.

### **Član 9.**

Pristupni put u katastarskim - zemljišnoknjižnim evidencijama mora biti upisan kao javno dobro, odnosno na istom moraju biti riješeni imovinsko pravni odnosi u smislu propisa iz oblasti prostornog uređenja i građenja.

### **Član 10.**

Kompletan pristupni put, prostor oko objekata, parking prostor i pješačke staze u okviru kokompleksa.potrebno je osvijetliti rasvjetom. Rasvjetu projektovati prema Evropskim normama i standardima (npr. EN 13201, UNI 10819).

S aspekta energetske efikasnosti, štednje energije i smanjenja troškova za električnu energiju i održavanje, javnu rasvjetu je potrebno projektovati, izvesti i koristiti kao regulisanu javnu rasvjetu koristeći savremena tehnička rješenja.

**Član 11.**

Sve planirane objekte, kao i pristupe planiranim objektima i sadržajima gradskog mezarja-groblja, projektovati i izgraditi na način koji trajno osigurava nesmetan pristup i kretanje licima sa smanjenim tjelesnim sposobnostima, tako da se, tokom njihovog korištenja, izbjegnu mogućnosti ozljeda korisnika objekata, u skladu sa odredbama Uredbe o prostornim standardima, urbanističko-tehničkim uslovima i normativima za sprečavanje stvaranja arhitektonsko-urbanističkih prepreka za lica sa umanjenim tjelesnim mogućnostima.

**Član 12.**

Grafički dio Odluke sadrži tri priloga:

- Izvod iz Prostornog pla općine Gračanica 2006-2026
- Grafički prilog 1
- Grafički prilog 2

**Član 13.**


Ova odluka stupa na snagu danom objavljivanja u "Službenom glasniku Grada Gračanica"

**PREDSJEDAVAJUĆI  
GRADSKOG VIJEĆA  
Mirzet Topčagić**



Grad Gračanica  
Služba za prostorno uređenje,  
geodetske i imovinsko-pravne  
poslove

**IZVOD IZ PROSTORNOG PLANA OPĆINE GRAČANICA 2006-2026**  
("Sl. glasnik Općine Gračanica", br. 13/14 i 3/20)



0 25 50 100 150 200 m

U skladu s čl. 68. Odluke o provođenju Prostornog plana za područje Općine Gračanica ("Sl. glasnik Općine Gračanica", br. 13/14 i 3/20) i čl. 59. Odluke o provođenju Prostornog plana TK ("Sl. novine TK", br. 9/06), izvršenim uvidom u Prostorni plan Općine Gračanica - Sintezni prikaz korištenja prostora - list br.18 utvrđeno je da se parcele označene kao K.Č. br. 3273/1, 3273/4, 3273/5, 3273/6, 3273/7, 3273/8, 3273/9, 3273/10, 3273/11, 3273/12, 3273/13, 3273/14, 3273/15, 3273/16, 3273/17, 3273/18, 3273/19, 3273/20, 3273/21, 3273/22, 3273/23, 3273/24, 3273/25, 3273/26 K.O. Gračanica nalaze u okviru utvrđenog urbanog područja - građevinskog zemljišta naselja Gračanica - Pribava.

**OBRADA:**

**OVJERAVA:**





SLUŽBA ZA PROSTORNO UREĐENJE  
GEODETSKE I IMOVINSKO PRAVNE POSLOVE

k.č. 3273/1, 3273/4, 3273/5, 3273/6, 3273/7, 3273/8,  
3273/9, 3273/10, 3273/11, 3273/12, 3273/13, 3273/14,  
3273/15, 3273/16, 3273/17, 3273/18, 3273/19, 3273/20,  
3273/21, 3273/22, 3273/23, 3273/24, 3273/25, 3273/26  
k.o. Gračanica

ZONA: V

GRAFIČKI PRILOG  
PRIJEDLOG LOKACIJE ZA GRADSKO GROBLJE GRAČANICA

